



MAJLIS PERBANDARAN SEBERANG PERAI

TEKS UCAPAN

YBHG. DATO' Sr HAJI ROZALI BIN HAJI MOHAMUD
YANG DIPERTUA
MAJLIS PERBANDARAN SEBERANG PERAI

SEMPENA

MAJLIS PENYERAHAN *VACUUM FLASK*
KEPADA AHLI MAJLIS, PEGAWAI KUMPULAN
PENGURUSAN DAN PROFESIONAL SERTA
KUMPULAN B MPSP

OLEH

YANG BERTHORMAT TUAN PHEE BOON POH
**AHLI MAJLIS MESYUARAT KERAJAAN NEGERI PULAU
PINANG MERANGKAP Pengerusi Jawatankuasa
Kebajikan, Masyarakat Penyayang dan Alam
Sekitar**

TARIKH / MASA / TEMPAT

21 DISEMBER 2018 (JUMAAT)
8.30 PAGI

**AUDITORIUM MENARA MPSP
BANDAR PERDA
BUKIT MERTA JAM**

Disediakan oleh Jabatan Korporat dan Perhubungan Antarabangsa

Ucapan YBhg. Dato' YDP MPSP 2018

Terima kasih Saudara / Saudari Pengacara Majlis

Yang Berhormat Tuan Phee Boon Poh

Ahli Majlis Mesyuarat Kerajaan Negeri Pulau Pinang
Merangkap Pengerusi Jawatankuasa Kebajikan, Masyarakat Penyayang
Dan Alam Sekitar

Yang Dihormati Ahli-Ahli Majlis

Majlis Perbandaran Seberang Perai

Yang Berusaha Puan Ir. Hjh Rosnani Binti Hj Mahmod

Setiausaha Perbandaran MPSP

Ketua-Ketua Jabatan dan Pegawai-Pegawai Kanan

Majlis Perbandaran Seberang Perai

Kakitangan-Kakitangan

Majlis Perbandaran Seberang Perai

Rakan-Rakan Media

Tuan-Tuan Dan Puan-Puan Yang Dihormati Sekalian

Assalamualaikum warahmatullahi wabarakatuh,

Selamat pagi dan salam sejahtera,

Alhamdulillah, bersyukur kehadiran Allah S.W.T. kerana dengan izin dan limpah kurnianya dapat kita bersama-sama pada hari ini di dalam Majlis Penyerahan *Vacuum Flask* Kepada Ahli-Ahli Majlis, Pegawai Kumpulan Pengurusan Dan Profesional Serta Pegawai Kumpulan B Majlis Perbandaran Seberang Perai yang akan dirasmikan oleh Yang Berhormat Tuan Phee Boon Poh, Ahli Majlis Mesyuarat Kerajaan Negeri Pulau Pinang Merangkap Pengerusi Jawatankuasa Kebajikan, Masyarakat Penyayang Dan Alam Sekitar.

Terlebih dahulu, saya ingin mengambil kesempatan ini mengucapkan ribuan terima kasih dan sekalung penghargaan kepada Yang Berhormat Tuan Phee Boon Poh, Ahli-Ahli Majlis, Pegawai Kumpulan Pengurusan Dan Profesional dan kakitangan-kakitangan MPSP yang sudi meluangkan masa bersama MPSP pada pagi ini.

Yang Berhormat, Tuan-Tuan dan Puan-Puan yang dihormati sekalian,

Kerajaan Negeri Pulau Pinang komited untuk menjadikan Pulau Pinang sebagai sebuah negeri yang bersih di Malaysia dan di rantau ASEAN serta mempunyai alam sekitar yang hijau dan mampan, selamat untuk didiami dan mempunyai masyarakat serta persekitaran yang sihat. Berteraskan kepada impian ini, pelbagai dasar telah dilaksanakan bagi memelihara, memulihara serta mempertahankan alam sekitar dan ekosistem di Negeri Pulau Pinang:-

- I. Pada 6 Julai 2009, Kerajaan Negeri Pulau Pinang telah melancarkan kempen "*Hari Tanpa Beg Plastik*" pada setiap hari Isnin, yang menjadikan Pulau Pinang sebagai negeri yang pertama dalam sejarah Malaysia untuk melancarkan satu kempen di seluruh negeri untuk mengurangkan penggunaan beg plastik. Setiap individu kini boleh menyumbang ke arah mengurangkan kesan tapak kaki karbon (*carbon footprint*) supaya alam sekitar dapat dipelihara dan dipulihara untuk generasi yang akan datang. Dalam masa empat bulan sahaja, Pulau Pinang telah berjaya mengurangkan penggunaan lebih daripada 1 juta beg plastik. Susulan itu, inisiatif tersebut kemudian telah dilanjutkan ke tiga hari seminggu iaitu Isnin, Selasa dan Rabu mulai 1 Januari 2010. Manakala mulai 1 Januari 2011 pula, ianya

dilaksanakan pada setiap hari. Dalam usaha mempromosikan Sisa Sifar (*Zero Waste*), Pulau Pinang telah melarang penggunaan kotak dan pinggan mangkuk polisterin dalam semua majlis rasmi negeri pada tahun 2009.

- II. Dasar Pengasingan Sisa di Punca adalah satu inisiatif positif Kerajaan Negeri bagi mengurangkan sisa yang dilupuskan di Pulau Burung serta memanjangkan hayat tapak pelupusan. Dasar Pengasingan Sisa di Punca berkuatkuasa pada 1 Jun 2016 dengan tumpuan diberikan dalam pelaksanaan program-program pendidikan dan kesedaran kepada penduduk Seberang Perai. Pada 1 Jun 2017, Dasar Pengasingan Sisa Di Punca mula dikuatkuasakan dengan penguatkuasaan di kawasan harta bersama atau strata. Penguatkuasaan mula dikembangkan di kawasan komersial mulai 1 Januari 2018. Dasar ini akan diperluaskan pemakaiannya ke premis kediaman bertanah mulai 1 Januari 2019.

Melalui Dasar Pengasingan Sisa di Punca ini, semua penduduk di negeri Pulau Pinang dimestikan mengasingkan sampah mereka mengikut komposisi sisa pepejal iaitu sisa kitar semula (kertas, plastic, kaca, tin aluminium / besi / logam) dan sisa baki (sampah kotor dan sisa makanan) sebelum dilupuskan. Keadah ini merupakan pengasingan sisa di punca yang paling mudah. Pelaksanaan Dasar

Pengasingan Sisa di Punca oleh Kerajaan Negeri telah berjaya mempertingkatkan sistem dan kaedah pengurusan sisa pepejal dan pembersihan awam negeri kepada satu sistem yang lebih teratur, mampan dan maju dan setanding dengan bandar-bandar antarabangsa maju lain.

MPSP menyokong penuh dan amat komited dalam melaksanakan dasar-dasar Kerajaan Negeri dalam pengurusan sisa pepejal dengan sempurna dan telah mengambil langkah-langkah proaktif dalam melaksanakan dasar pengasingan sisa di punca. Dasar ini telah membantu dalam meningkatkan lagi kadar kitar semula Seberang Perai yang telah mencatat 38% pada tahun 2016 dan telah meningkat kepada 43% pada tahun 2017 dan seterusnya mensasarkan untuk mencapai kadar kitar semula sebanyak 70% pada tahun 2022.

MPSP telah sekian lama mengambil langkah-langkah bagi memperkasakan kempen kitar semula dengan mengadakan aktiviti-aktiviti melalui Program LA21 seperti:-

- i. Anugerah Komuniti Mampan
- ii. Anugerah Sekolah Hijau
- iii. Anugerah Kitar Semula Sekolah F&N
- iv. Anugerah Kitar Semula Sekolah Tadika

- v. Pengkomposan
- vi. Program Sisa Sifar Sekolah
- vii. Program Sisa Sifar Komuniti
- viii. Program Upcycle
- ix. Membuat Sabun Dari Minyak Masak Terpakai
- x. Penyerahan Tong Kitar Semula Kepada Sekolah Tadika
- xi. Pengumpulan Kotak Minuman
- xii. Membuat Cecair BIM “Mikroorganisma Tempatan Berfaedah
(dari kulit buah-buahan)
- xiii. Bengkel Sekolah Hijau

Di samping itu, sebanyak 69 pusat kitar semula di di kawasan perkampungan dan taman perumahan, kilang, NGO dan juga sekolah-sekolah di seluruh Seberang Perai untuk menjalankan aktiviti kitar semula. Bagi tahun 2018 sehingga Oktober 2018, sebanyak 174,383.554 tan barangan kitar semula telah dikutip dari seluruh kawasan Seberang Perai. Dan dari jumlah ini, 186.937 tan adalah daripada pusat-pusat kitar semula.

MPSP juga menganjurkan karnival *upcycle* untuk mempromosikan produk *upcycle* kepada orang ramai di tempat-tempat seperti:-

- i. Karnival *Upcycle* di Autocity, Juru pada hari Sabtu pertama setiap bulan;

- ii. Growth Market di Autocity, Juru pada hari Ahad kedua setiap bulan; dan
- iii. Kanival 8R di Pasar Awam Kota Permai pada hari Ahad keempat setiap bulan

Antara program-program lain yang dilaksanakan untuk memaksimumkan kitar semula, meminimakan sisa lebihan, mengurangkan penggunaan dan memastikan setiap barangan yang dihasilkan boleh diguna semula, dibaiki, dikitar dan dikomposkan adalah:-

- I. Memperkenalkan *Smart Consumption Model 8R* pada 14 Januari 2018 iaitu *Rethink, Refuse, Reduce, Reuse, Repair, Re-Gift, Recover and Recycle*. Tujuannya adalah untuk mengurangkan berat sampah ke tapak pelupusan sampah sehingga 50% dan meningkatkan kadar kitar semula kepada 70% menjelang tahun 2022. Kesan daripada pelbagai program pengasingan sisa makanan dan kitar semula, penjanaan sampah berkurangan dari 1.6 kg/orang/hari pada tahun 2016, 1.09 kg/orang/hari pada tahun 2017 dan disasarkan berkurangan kepada 0.8 kg/orang/hari pada tahun 2022 serta dapat mengurangkan jumlah pelepasan gas rumah hijau (GHG) daripada 8.0 tan CO₂e per kapita kepada 4.65 tan CO₂e per kapita pada tahun 2022.

- II. Menjuarai Program *Upcycle* seperti kain rentang (*banners*) terpakai dikutip dan dijadikan beg membeli-belah. MPSP mempunyai *competitive advantage* dalam bidang pembikinan barangan *upcycle* sehingga berjaya mewujudkan *Upcycle Park* pertama di Malaysia yang dapat pengiktirafan dalam *The Malaysia Book of Records* pada 28 Julai 2018.
- III. MPSP sentiasa mengilap *competitive advantage* dalam produk *upcycle* dengan memberi penekanan kepada aspek pengetahuan seni dan saintifik dalam penghasilan produk *upcycle*, iaitu penghasilan Mural 3D dengan kerjasama pihak Universiti Pendidikan Sultan Idris, Tanjung Malim, Perak. Program membuat Mural 3D di Menara MPSP adalah menggunakan konsep "*Re-Imagining Waste as a Resources*" di mana mural yang dihasilkan menggunakan penutup botol minuman yang dibuang. Mural 3D ini adalah berdasarkan gambar-gambar pemandangan di Seberang Perai yang dipilih. Projek penyediaan empat (4) Mural 3D berukuran 20' x 8' dilaksanakan pada 21 hingga 23 September 2018 dengan penglibatan 595 orang sukarelawan yang dibimbing oleh pihak Universiti Pendidikan Sulatan Idris dan menggunakan 71,000 unit penutup botol telah dikumpulkan.
- IV. MPSP juga menyokong penuh saranan Kerajaan Negeri dan telah menetapkan tiada lagi penggunaan cawan atau bekas plastik pakai

buang dalam semua mesyuarat dan program anjuran MPSP bermula pada bulan Julai 2018. Kakitangan adalah digalakkan membawa bekas minuman sendiri ke mesyuarat atau program-program anjuran MPSP.

Yang Berhormat, Tuan-Tuan dan Puan-Puan yang dihormati sekalian,

Sebagai tanda penghargaan dan sokongan yang diberikan oleh kesemua kakitangan dalam menjayakan usaha ini, sebanyak 391 unit *vacuum flask* yang *diengrave* nama pegawai akan diedarkan kepada Ahli-Ahli Majlis, Pegawai Kumpulan Pengurusan dan Profesional dan Pegawai Kumpulan B pagi ini. Vacuum Flask ini adalah sumbangan ikhlas daripada Yang Berhormat Tuan Phee Boon Poh kepada MPSP. Sekalung penghargaan dan ucapan ribuan terima kasih kepada Yang Berhormat dan Kerajaan Negeri Pulau Pinang atas sumbangan tersebut.

MPSP amat menggalakkan semua pegawai yang menerima *vacuum flask* pada hari ini membawa vacuum flask setiap hari ke pejabat sebagai tanda menyokong seruan dari Kerajaan Negeri Pulau Pinang bagi mengurangkan penggunaan cawan, botol dan straw plastik.

Justeru, sekali lagi saya menyeru marilah kita sama-sama menyokong usaha Kerajaan Negeri dalam melaksanakan Dasar “**No Single Used Plastic**” yang akan berkuatkuasa pada 1 Januari 2019 bagi memastikan anak-anak dan cucu-cucu kita mewarisi alam sekitar dan bumi dalam keadaan yang elok daripada kita.

“**Seberang Perai Aspirasi Bandar Masa Hadapan**” atau “**Seberang Perai Aspiring City of Tomorrow**” dapat direalisasikan sekiranya semua masyarakat, dalam hal ini Warga MPSP memainkan peranan masing-masing dengan sebaiknya. Sekali lagi, terima kasih kepada semua yang telah menjayakan projek naik taraf ini khususnya kepada Yang Berhormat Tuan Phee Boon Poh, Kerajaan Negeri Pulau Pinang, Ahli-Ahli Majlis, pegawai dan kakitangan MPSP dan semua hadirin dan hadirat.

Sekian,

**Wabillahi Taufik Wal Hidayah, Wassalamualaikum Warahmatullahi
Wabarakatuh.**

Terima kasih.